

Informativni letak br. 3: O glasanju (državni izbori)

Parlament u Zapadnoj Australiji se sastoji od dva doma.

Donji dom se zove Zakonodavna skupština. Zakonodavna skupština broji 59 zastupnika.

Svaki zastupnik je izabran da predstavlja jedan od 59 izbornih okruga.

Gornji dom se zove Zakonodavno vijeće.

Zakonodavno vijeće ima 36 zastupnika, po šest zastupnika za svaku od šest izbornih regija.

Vi glasate za kandidate koji su izrazili želju da zastupaju okrug ili regiju u kojoj živite. Kandidati koji pobijede postaju vaši izabrani zastupnici.

Na općim izborima, glasate za onoga ko će vas zastupati u:

- okrugu vaše Zakonodavne skupštine
- regiji vašeg Zakonodavnog vijeća.

Za glasanje ćete dobiti dva glasacka listića.

Manji, bijeli glasački listić je za Zakonodavnu skupštinu (vaš okrug).

Pažljivo pročitajte uputstva.

Popunjavati isključivo upisivanjem brojeva.

Slijedeći redoslijed prvenstva koji ste im dali svojim odabirom, u kvadratiće upisujete brojeve, počev od broja "1".

Veći, glasački listić u boji je za Zakonodavno vijeće (Vašu regiju).

Pažljivo pročitajte uputstva.

Popunjavati isključivo upisivanjem brojeva.

Imate dvije opcije kod popunjavanja ovog glasačkog listića.

Možete upisati broj jedan "1" u kvadratić iznad linije pored stranke ili grupe stranaka koju ste odabrali

ili

Možete upisati brojeve u sve kvadratiće ispod linije slijedeći redoslijed prvenstva koji ste im dali svojim odabirom.

U svakom trenutku možete da se za pomoć obratite službenom licu na glasačkom mjestu.

Kako postati kandidat

Da biste postali kandidat, morate biti registrovani da glasate.

Za dodatne informacije o registraciji vidi informativni letak "O registraciji".

Za kandidaturu morate:

- popuniti obrazac za kandidaturu
- dostaviti sve tražene podatke
- uplatiti novčani depozit.

Iznos novčanog depozita varira u zavisnosti od toga da li se kandidatura odnosi na državni, savezni ili lokalni izborni nivo.

Možete se kandidovati kao pojedinac ili kao član neke političke stranke ili grupe političkih stranaka.

Za dodatne informacije, posjetite internet stranicu www.elections.wa.gov.au ili pozovite na 13 63 06 ili (08) 9214 0400 za pozive izvan Zapadne Australije.